



Erik Jensen
Inatsisartunut ilaasortaq, Siumut

**§ 37 naapertorlugu apeqqutit akineqarnerat - 102 -2025
kandidatinngorniarfissaq pillugu**

10-07-2025
Suliap normua: 2025 - 9824
All. nr. 25548448

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Erik Jensen

Inatsisartut suleriaasiat naapertorlugu apeqqutinnut qujanaq.
Apeqqutigineqartut tullinnguuttuni akissuteqarfigissavakka.

Apeqqut 1:

***Siumumit UKA 2024-mi akuerineqartoq imm. 77 - Ilisimatusarfimmi
Ilinniartitsisunut, Perorsaasunut aammalu Isumaginninnermut Siunnersortinut
ataatsimut kandidatinngorniarfissamik "Naalakkersuisut pilersitseqqullugit
peqquneqarnissaannik Inatsisartut aalajangiiffigisassaattut siunnersuut"
qulequtalik, sumummita killippa ?***

Akissut: Suleqatigiissitaliortoqarsimavoq taakkulu pingasoriarlutik
ataatsimiissimallutik, tassanilu suleqatigiissitami oqallittarnerni ersepoq
ilinniartitaanerup imarisaa pillugu assigiinngitsorujussuarmik soqutigineqartoq.
PI/SPS-imit kissaatigineqarpoq kandidatitut ilinniagaq suliaasaqarfinnut
qanittuutinneqarluni isumaginninnermi perorsaaneramilu suliaasaqarfiit iluanni
suleqatigiit assigiinngitsut suliaasaqarfiinik imaqartinneqassasoq.
Ilinniartitsinermik Ilisimatusarfimmit erseqqissumik kissaatigineqarpoq
kandidatitut ilinniartitsinerup siunertaanik, imarisaanik periaatsinillu kiisalu
ilinniartitseriaatsimik ukkatariffiussasoq. Isumaginninnermik Suliaqarnermik
Immikkoortortaq maanna isumaginninnermi suliaasaqarfinni aqutsinermut
tunngasumik kandidatinngorniarfigalugu ilinniarnermik inerisaasimavoq,
tassanilu kommunini Namminersorlutillu Oqartussani isumaginninnermik
suliaasaqarfinni sulinerup pitsanngorsarnissaa siunertaralugu.

Suleqatigiissitani isumaqatiginninngitsoqaraluartoq ilinniakkamik
naammassinnissimasunit sulisitsisut pisariaqartitaannik

misissueqqissaartoqassasoq isumaqatigiissutigineqarpoq. Taamaaliornikkut ilinniakkamik atuiffiusinnaasumik pisariaqartitsisoqartoq qularnaarneqassaaq.

Apeqqut 2:

Siunnersuummi akuerineqartumi SPS ataani suleqatigiissitamik ingerlatsisoqarnissaa, akuutinneqarpa?

Akissut: Apeqqut 1-imut akissut takuuk.

Apeqqut 3:

Qaqugu ilinniagaq aallartinneqassava?

Akissut: Suliap ukiuni marlunni sisamaniluunniit ingerlanissaa suleqatigiissitamit naatsorsuutigineqarpoq. Ilinniakkamik aallartitsisoqassappat pisariaqartitsinermik misissueqqaartoqarsimanissaa, pilersaarusiortoqarnissaa aamma ilinniakkamut ataatsimut suleqatigiittoqarnissaa, ilinniartitsinissamut pilersaarutininik inerisaasoqarsimanissaa kiisalu ilinniagartavianik pilersitsisoqarnissaa pisariaqarput.

Inussiarnersumik Inuulluaqqusillunga
Med venlig hilsen

Nivi Olsen
Naalakkersuisoq

